

ПИНАК

Бир пардали Туркистон турмушиндан ёзилмиш кулги.

ЎЙНОВЧИЛАР

Турсун – кўкнори, 62 яшар.
Толиб – қиморбоз, 25 яшар.
Фўлод – кўкнори, 60 яшар.
Отажон – кўкнори, 45 яшар.
Додабой – кўкнори, 35 яшар.
Соиб – қиморбоз, 30 яшар.
Эшвой – қиморбоз, 25 яшар.
Ҳайдар – қиморбоз, 28 яшар.
Вали – Турсуннинг ўғли, 16 яшар.

САҲНАГА КЕРАКЛИ НАРСАЛАР

Бир қора қумғон, бир чойнак, бир эски фаднус, уч адад пиёла, тогора, лаган, қозон.

Бир эски намат, кўрфа, кўрфача, сандук.
Бир тарафда бир ош ўчоғи, бир чойжўш ўчоқ.
Бир тарафда қозикларға осилғон эски-туски чофонлар.
Бир шамдон, қозуғда салла.

Саҳна бир уйдан иборат ўлур. Турсуннинг олдида тогорада кўкнори, фаднусда нон, қанд, майиз, чойнакда чой. Кўкнори эзуб ўлтурғон ҳолда парда очилур.

Турсун (*халққа қарата*). Алҳамдулилло, бугун чаҳор ишқал бут. Тоғорамда кўкнорим, олдимда қанд-магизим, бир ёнимда чойнакда чойим... (*Кулумсираб*.) Бугун ўзим ўнг ёним ила турғон эканман. (*Бир пиёла кўкнори қуюб ичар*.) Оҳ, оҳ, оҳ... Ҳар ким бу кўкноридан ичмабдур, дунёга келмабдур. (*Бир пиёла чойдан қуюб, қанд, майиз бирла ичур*.) Оҳ, оҳ... Бу Масковдан мозор босуб келғон ўрисвойни чойидан атири иси келади-я. Ўрисвойни отаси кўрган-да, биздек камбағалларни ғамини еб, шундай таъмли чойларни чиқоруб қўюбдур. Агар бу чойларни са-моварда қайнатуб, дамлаб иссангиз, вой-бўй, худди одам-

ни маст қиласи-де. (*Чой ичар. Кайф қилуб финакға кетуб, энкаюб-энкаюб, кўзларини сузуб ўтурап.*)

Толиб кирав. Саҳна орқасидан секин келуб, қозугдан фаднусни олуб сандуқға бир урап. Ўзи сандуқ орқасига беркинур.

Турсун (бирдан чўчуб кетуб). Ло ҳавла ва ло қуввато... Финаги ҳам қурсун-еий! (*Одамларға қараб.*) Ҳой мусулмонлар! Бу қандай гулдурос! Кўчада бомба отилдими? (*Ўрнидан турууб, эшикға чиқмоқчи бўлуб, у ёғ-бу ёғига қараб, қўрқғон киши бўлуб, яна келуб ўтурап. Одамларға қараб.*) Эй, мусулмонлар, мен кўкнори, қўрқоқ одамман. Битта одам йўқки, чиқуб қараса. Тағин ёв-мов келуб қолғон бўлмасун. Уҳ, кайфимдан битта қолмади. Кафалагим учуб кетди. Яна янги кайф қилмасам, бўлмайдур. (*Кўкноридан бир пиёла ичар.*) Оҳ-оҳ-оҳ... Мана энди қуюғи чиқди. (*Бир пиёла чойдан қуюб, қанд-магиз бирла ичар.*) Мана бу қанд Масковдан келғон, магиз бўлса Каттакўрғондан келғон, кўкнори бўлса Бухоройи шарифдан келғон табаррук. Олло-таолонинг дунёда бандалариға марҳамат қилғон қандай нознеъматлари бор. Бири ширин, бири лаззатлик, бири очиғ бўлса ҳам кайф қиласидир. (*Кўзлари сузулуб финакға кетар.*)

Толиб яна ўрин орқасидан фаднусни аввалгидан
қаттиғроқ тақиљатур.

Турсун (чўчуб орқасига қараб ағнаб кетар, ётғон ҳолда.) Субҳонолло, алҳамдулилло, субҳонолло, алҳамдулилло,вой, финаги қурсун-еий. (*Секин ўрнидан турууб ўтуруб.*) Эй мусулмонлар, ер қимирладими? Бу қандоғ гулдурос? Асло мани тинч қўядими? Кўймайдими? Момақалдироқ десам, ҳали ташқариға чиқғанимда ҳаво очиғ эди. Ер қимирлади, десам, қозиғдаги нарсалар қимирлатотгани йўқ. Одам қилвотди, десам, одам фарзандининг ичидай мундай гулдуросни қилурға кучи етадирғони йўқ. Ажабо, ман қандай балога қолдим. Бу – жинми, шайтонми? Ўзим янгигина кайф қилғон эдим. Кайф ҳам кетди. Кўрқғонимдан ўтим ҳам ёрилуб кетди. Ҳаққиси учгача, яна бир кайф қилмасам бўлмас. (*Яна кўкнори ичар.*) Оҳ-ҳо!.. Ҳамма кайфи остида ётғон экан. Агар Худо тинчликни берса муни кайфи худди уч кунға етади. (*Чой ичар. Кўзларини сузуб кўброқ финакға кетуб турғон ҳолда.*)

Толиб (секин орқасига келуб, қаттиғ овоз ила). Ҳой Турсун ока!

Турсун (*бир юмалаб туруб*). Вой, финаги қурсун! Эй теги паст, қилигинг қурсун, одам деган ҳам шунақа бемаза бўладими? Салом йўқ, алик йўқ, индамай-синдамай келуб, вагонни хуштагидек чинқирлаб бақирасан! Одам деган ҳам шунақа беодоб бўладими? Бирорни уйига кирғон киши ул эшикни тақиллатади, чақиради, индан кейин уйга киради-де. Индамай кирганинг бир сари, тағин тепамга келуб бақирганинг нимаси?

Толиб. Эшикни бир эмас, ики марта тақиллатдим, ўзингиз ҳеч овоз бермадингиз. Индан кейин кирдим. Кируб қарасам, тоғорага қараб, энгашуб кетвотган экансиз. Бошингизни тоғорага уруб ёриб қўйманг, деб, «Хой, Турсун ока!» дедим. Ман сизга яхшилик қилсан, сиз мандан яна хафа бўласиз-а!

Турсун. Бўри қўшнисига ямон соғинмас, деган гап бор. Кўздек қўшни бўлуб туруб, сан манга доим аллақаёфдаги масҳарабозликни қиласан. Ҳали ман тўф отилдими, ер қимирладими, десам, сан бадбаҳтни эшик тақиллаттанинг эдими? Эшик тақиллатган одам шунақа қаттиғ тақиллатадими? Кайфимдан битта қолмади! Оз бўлмаса юрагим қинидан чиқуб кетар эди. Турсун окамни ўзи қўрқоқ, юраги ёрилуб кетарам, демайсан-а...

Толиб. Ўзингни эр билсанг, бошқани шер бил, деган гап бор. Ҳар ким бошқаларни ўзига ўхшатади. Ман сизни ўзимга ўхшаган юраклик деб, ўйлайман. Ҳали шу юракминам одамман, деб юрубсизми? Тағин Мусулмоновотда аскар бўлуб урушға борганман, деб шу ҳолингизминам мақтанганингизга ўлайми!?

Турсун. Қўй, уруш қуруб кетсун. Урушдан гапурма. Мусулмоновотдаги урушлар болаларни ўйинчуғи эди. Кўкнорхонада Тошхаёл деган бир газит ўқийдурғон одам бор. Шу айтадики, ҳозирги урушларда ҳар бир катта тўфлар борки, дейди, ичидан худди ҳўқуздек-ҳўқуздек ўқлар чиқади, дейди. Қўй, уруш қурсун, уруш одамларни бощига битган бир бало бўлди-ку! Урушдан гапурма! Намоздан гапур, рўзадан гапур, ошдан гапур, нондан гапур. Ўтур болам. Мана чой, нон...

Толиб ўтурууб, ҳадеб нон-магизлардан еб, икита-учта қанд солиб чойни ича берар.

Турсун. Бугун қаёқға борган эдинг, жуда қорнинг очиб қолибдир?

Толиб. Эй, Турсун ока, қиморхонаға борган эдим. Беш-олти танга буд-шудимни ютқазуб, сирривал-қайроғ бўлуб келдим.

Турсун. Санга қимордан бошқа гап қуриб қолдими? Уламолардан эшиштамизки, қимор ўйнамоқ ҳаром деб. Сан ҳар кун қиморхонаға борасан, ютқазасан, келасан мани бетинч қиласан, келасан мани бетинч қиласан. Нима, ўйна-масанг, ўласанми?

Толиб. Эй, Турсун ока, тарки одат амримаҳол, деган гап бор. Киши ёшликда нимани ўрганса, шунга хў қилуб, одатлануб қолур экан. Онам бечора, раҳматлик, отамга доим айтардики, ўғлингни ўқут, ўғлингни ўқут, деб. Раҳматлик отам онамга айтардики, ўғлинг ўқуб имом, мударрис бўлармиди. Қайси масжид имомсиз қолвотди, дейсан. Фиёнбозорга чиқуб «ташишка» қилсун, пул топишни ўргансун. Муллоларни кўрасанми, ҳаммаси камбафал. Аксари бой бўлган одамлар аввалда «ташишка» қилуб, ўрисни тилини ўргануб, бой бўлуб кетгон, деб мани ўқутмай, «ташишка»ға чиқарди. Мана энди, мен бўлсам, ямон одамларға қўшилуб, саёф бўлуб кетдим. Пул топишни ўргана-ман, деб қимор ўйнашни ўргандим. Топган пулимни қиморға бой бериб, бир парча нонга зор бўлуб, расвойи олам бўлуб қолдим. Шунинг учун сизга ҳар вақт айтаман-ки, ўғлингизни аввал ўқутинг, пулга ўргатманг деб.

Турсун. Ҳалиям сани сўзунгга киrub ўғлимни ўқутвотман-ку. Мундан ортуғ тағин нима қилай?

Толиб. Тузук, ўқутвотсиз, кўкноридан нимага ўғлингизга ичирвоссиз?

Турсун. Кўб ичмайди, оз-моз ичади. Бир уйда туруб, ман ичганда ўғлим қараб тургани яхшими.

Толиб. Боя ўзингиз манга насиҳат қилдингизки, қиморни ўйнамасанг бўлмайдими (деб). Мана, ўзингиз нимага кўкнори ичасиз? Бу қимордан ҳам ёмон(ку)? Қимордан бир кун ютқузғон киши бир кун ютади. Аммо бу кўкнорингизга пул дод деб кетади. Ўзи – заҳар. Бора-бора ичган одамни баданини заҳарлаб, бўйини қилтируғдек қилуб, пас(т) назар қилуб, одамни одамгарчиликдан чиқоруб қўядир.

Турсун. Кўйлаги йўқ тиззаси йиртиқфа кулар, дегандек, сани одамгарчиликни билганинга ўлайми?! Шунчалик ақлинг билан қимор ўйнаганингға ҳайронман...

Толиб. Кўп гапти чўзуб ўлтурманг, манга бир сўм қарз беринг. Ман сизга эрта беш ярим танга қилуб бераман.

Турсун. Аввалги олган пулларингни ҳали берганинг йўқ. Тағин санга нима деб пул бераман... Мани саррофхона қоқуб кўйибди, деб ўйлайсанми. Ҳадеб санга пулни қаёфдан топаман.

Толиб. Хайр, бермасангиз берманг. Ўзим билуб ишимни қиласман.

Турсун. Тағин нима иш қилмоқчисан? Кўркутиш бўлса, хўб қўркутдинг, ўтакамдан битта қолмади. Жон болам, бир кун туз ичғон (жой)га қирқ кун салом, деган гап бор. Чойимни ичдинг, нонимни единг. Худо хайр берсун, энди мани тинч қўй. Пулни бошқа ердан топарсан.

Толиб. Кўздек қўшни бўлуб туруб, сиз бермасангиз, манга ким беради, дейсиз. (*Секин фаднусни олуб орқа томонидан бирдан тарақлатуб юборар.*)

Турсун. Войдод! (*Бирдан юмалаб кетар. Бир оз ёт-гандан сўнг секин ўрнидан туруб.*) Уҳ... Жон-понимни чиқоруб юбординг, жон болам. Ҳазил деганам шунақанги совуқ бўладими. Турсун акам ўзи қўрқоқ, юраги ёрилуб ўларам, демайсан-а...

Толиб. Ман сизни юрагингиз ёрилгани билан неча пуллик ишим бор. Манга пул керак, пул!

Турсун. Пулингам қурсун, ғалвангам қурсун. Бирордан пул сўраган одам шунақанги ўтини ёруб оладими?! Мулойим сўзлар била ийдуруб олади-де. Шунақа қиласан-де, одамни энсаси қотиб, пул бергиси келмайди.

Толиб. Соиб қиморбоз қанча деса, берасиз, аммо манга қолганда, энсангиз қотади.

Турсун. Соиб санга ўхшагон бадмуомала эмас, бешни олтиға олади ҳам ватъасига етказуб беради. Аммо сан бешни яримға олуб ҳам бир ой-ики ой сургаб кетасан. Мана, ҳозир аввалги олганларингни тўламасдан яна пул сўрайсан. Кошки, тағим тўғрилиқминам сўрасангам гўрга эди. Эшиқдан мўмақалдироғдек гулдуросминам келасан. Одам фарзанди ҳам шунақанги бадхулқ бўладими?

Толиб (оччиғлануб). Келинг, кўп гапурманг. Ўзим ютқузуб, аламзада бўлуб келгонман. Пул(ни) берасизми бермайсизми?

Турсун (одамларга қараб). Ямондан ё қоч кутул, ё тон кутул, дегандек, бериб кутулмасам, бу мани қўяди-

ғонға ўхшамайди. (*Толибга қараб.*) Хайр, берсам, бера-йин, қачон берасан?

Толиб. Худо хоҳласа ютсам. Шу бутун келтуруб бераман. Агар ютқузуб қўйсам, кейинроқ бераман.

Турсун. Кейинроғинг қачон? Кейинроқ деб тағим қиёматгача судраб кетмагин. Бир кунга ваъда қил-де.

Толиб. Қиморвозни ваъдаси бўладими?.. Бир кунга ваъда қилолмайман. Қачонки, ютсам, олдидан сизни пулларингизни кетуруб бераман. Келинг, тезроқ бўлинг, манга кеч бўлмасун.

Турсун (*ёнидан беш танга чиқоруб, Толибга берар*). Ма, ўғлим, кўб кечуктурма, олти танга қилуб берасан.

Толиб. Хўб, Турсун ака. Агар ютсам, бир танга, яrim танга манга чўт эмас. Ютқузуб қўйсам, тағим олдингизга келаман...

Турсун. Қадаминг қирқилсун, ютқузуб қўйсанг келма, пул деб тағим бошимни қотиран. Эмди бир тийин ҳам пул қолмади. Бошқа ердан топурсан. (*Ма, деб бир сўмни қўлиға берар*).

Толиб (*пулни олуб суюна-суюна*). Балли, Турсун ака. ўғлингиз муллойи боамал бўлсун. (*Чиқуб кетар*.)

Турсун. Дуойинг қурсун. Тағин дуо қиласанки, ҳа дийдорингни таҳтада кўрай. Фалванг бошингда қолсун. (*Эшик тақиллар*.) Оббо, Худо урди. Дарров ютқузуб Толиб тағим пул деб келди. (*Секин-секин бориб эшикни очар*.)

Фўлод эшикдан кирап.

Фўлод. Ассалому алайкум, Турсун ака, қалайсиз? Саломат, баофият? (*Турсун ака ила икиси кўрушар*.)

Турсун. Қани, ўтур, Фўлод ўртоғ.

Фўлод (*ўтурап*). Қадам етди бало етмасун. Оллоҳу акбар. Қалайсиз, Турсун ака, саломат бормисиз? Бу кунларда кўкнорхонаға ҳам кам борасиз. Шунинг учун сизни бир кўруб кетай деб келдим.

Турсун. Хуш келибсан, ўртоғ. Мани асти қўявергин. Худо манга бир ямон қўшнини берган, на кечаси тинч қўяди ва на кундузи. На уйкумда ҳаловат бор ва еган таомим ичимга тушади, на кайф қилдирғони қўяди. Кеча демайди, кундуз демайди, вақт демайди, бевақт демайди. Қиморға бой бериб келади-де, Турсун ака, пул бер, пул, деб жонимдан безор қиласди.

Фўлод. Ким ул? Қайси қиморбоз? Ман тонийманми?
Турсун. Эсонбой акани ўғли Толиб қиморбоз-чи? Ўша.
Фўлод. Эй, Турсун ака, сизни юрагингиз бор бўлсан.

Ҳали ўшандан қўрқуб ўтурубсизми? Фиринг-фиринг деса,
кулочкаш қилуб, қулоғини тегига тўрт(т)а тушурмайсиз-
ми? Икинчи сизни даргоҳингизга қадам босмасдан бадар
кетсун. Қиморбоз халқига бўш келсангиз миянгиз чиқуб
кетвуради-де.

Турсун. Эй ўртоғ, сан ўзинг уни ҳунарларини кўрмас-
дан чиранивотсан. Агар мани ўрнимда сан бўлсанг эди,
ҳовлингни ташаб бошқа ёқфа кўчуб кетардинг. (Эшик та-
қиллар. Турсун ака титраб-қақшаб эшикни очар.) Кел,
ўғлим, кел. Санмудинг?

Вали кирап.

Вали. Ассалому алайкум.

Фўлод. Ваалайкум ассалом, балли ўғлим, балли. Мул-
лойи боамал бўлинг.

Вали. Ота, Толиб акам пулни қимор ютқузуб, биро-
минам ўлгунча ёқалашди.

Турсун (*Фўлодга қараб*). Ана, ўртоғ, айтмадимми?
Ҳозир келиб тағим мани тумов қиласди. Кошки, пулим
бўлсаем майлийди. Йўқ деганимга ишонмасдан жоним-
дан басир қиласди.

Фўлод. Эй, Турсун ака, сиз жуда қўрқоқ одам экан-
сиз. Нима, сизга уни отасини мероси қоптими? Сиздан
ҳадеб пул сўрайвуради. Қани кесин-чи?! Қўрқсангиз, ёнин-
гиз(да) ман бор-ку?!

Шул вақт шошилуб Толиб эшиқдан кирап.

Турсун. Кел, болам, кел.

Толиб (*ўтурап*). Эй, Турсун ака! Кори бад курсун. Ҳали-
ги сиз берган бир сўмни ютқузуб, яна ўн танга банди бўлуб
келдим. «Ҳозир нес(т) деб, қисталанг қилуб, ўзимам мушт-
зўрликминам, муштлаб қутулиб келдим. Энди жон Турсун
ака, яна бир оз оқча топиб бермасангиз, асло иложи йўқ.
Муттаҳамга бир эшик ёфуқ бўлса, бир эшик очиқ. Бошқа
қиморхонага боруб ўйнасан, шояд ютсан, сизни ҳам ҳамма
пулларингизни берсан. Ҳалиги қизталоқдан ҳам қутулсан.

Фўлод. Сан болам, ажаб бир бегам бола экансан. Турсун
ака ким, сан ким? Сани отанг бўлмаса, отангни моли
Турсун ака(га) қолғон бўлмаса. Турсун ака ўзи бир бадав-

лат, бой, ошиб тошиб ётган одам бўлмаса, нима, ҳадеб бу бечорани пул деб бошини қотирвурасан? Турсун акани сандан бошқа касали йўқми?

Толиб (*Фўлодга қараб*). Хўб, яхши бой ота. Сўзларингизга тушундим. Қиёмат куни қўшнидан деган гап бор. Турсун акадан бошқа мани ҳеч кимим йўқ. Ман сиздан сўравотганим йўқ. Турсун акамдан сўравотман. Агар Турсун акамга малол келса, икинчи сўрамайман. Токи ўзлари мана, деб бермагунларича. Қани, Турсун ака, хафа бўлманг. Сизда бўлмаса, мана, бой отам бор эканлар. Қани, бир кайф қилайлук. (*Чўнтағидан ичида керосин тўла нос шишани олиб ёнига қўяр, яна бир чўнтағидан бир қутти фофирус олиб, Турсун ака ила Фўлод акага тутар.*) Қани олингиз, бир кайф қилайлук.

Турсун. Чаксакмукин, бу ўрисвойни фофирусини асло чакфоним йўқ эди. Қани, бир чакиб кўрайлук-чи, кайфи қанақа бўларкин?

Фўлод. Кайфи қурсун. Муни кайфи нима бўларди, дейсиз. Минг қиганда ҳам чилимдек бўлмайди. Хайр, Толибжонни сазоси ўлмасун, чаксак чакийлук.

Ҳар икиси оғзига фофирусни тишлаб турар.

Толиб. Сизлар фофирус чаксангиз, ман аввал бир нос чакуб олайин. Фофирусни кейин чакарман. (*Нос шишадан оғзига нос қўйган киши бўлуб, керосин солуб олур, сўнгра гугурт чақуб, оларнинг оғзиларидағи фофирусларга тутуб, турууб бирдан оғзидаги мойдан гугурт ўтига фуфлаб юборур. Турсун ила Фўлод чунон қўрқушуб, титрашуб, саҳнанинг у ёғ-бу ёғига қочишурлар. Толиб қўл ила ишорат қилуб, пул бер, деюр. Фўлод шошилуб ҳамёнини ковлаб бир сўм берур. Кўнмас. Ики сўм берур. Кўнмас. Уч сўм берур. Толиб оқчани олиб чиқиб кетар. Турсун ила Фўлод икиси бир-бирига қараб титраша-титраша ўтурушур.*)

Турсун (*Фўлодга қараб*). Қалай ўртоғ, мани айттанимча бор эканми? Боя гафурганимда мани сўзимға ишонмадинг. Толиб келганда қулочкаш қилуб уруб, қулоғини тагида шавла қайнатмоқчи бўлдинг. Аммо у бадзот ўғли бадзот келуб, жодугарлик қилганда, қуённи боласидек олдига тушуб қочдинг. Итдан кўрқfon гадодек олдиға тушуб қоча-қоча уч сўм пулни бериб, зўрга кутулдинг.

Фўлод. Турсун ака, ўзингизам бўридан қочfon кўйдек олдиға тушуб қочдингиз. Ман қайдан билайнин ул ҳаромзодани(нг) мундай жодугарлигини. Бизларга меҳрибон бўлуб

фофирус бериб говут чақди-ю, бирдан ҳаммани ўт олуб кетди. Оз бўлмаса соқол-мўйловларимдан битта қолмас эди. Уч сўм пулни олиб йўқолғонигаям шукур. Агарда тағим бир жодугарлик қилса, икимизни ҳам афт-башараларимиз куюб, қош-кифрикларимиздан битта (қолмай) қип-қизил мохов бўлардук. Худо сизга тўзум берсун, Турсун ака. Мундоғ жодугар ҳаромзодаминам қўшни бўлуб, умр ўткарганингизга балли. Юрагингиз тоғ экан. Тегирмон тошдек бардошингиз бор экан. Мандек одам мундай ҳавлини бир кунда сотуб кетардим. Сан тинч, қўшнинг тинч, дегандек, ёмон қўшни ёруғ дунёни дўзахи, деб шуни айтадилар-де.

Турсун. Фўлод, энди иковимиз бориб зўр-зўр кўкнори ўртоғимиздан олиб келиб, тездан муни чорасига киришайлук.

Фўлод. Журунг, бўлмаса.

Турсун. Тўхта, чирогни ўчуруб қўяй. (*Чирогни ўчурап. Чиқиб кетарп.*)

Биз оздан сўнг Толиб беш оғайнисини бошлаб кирур.

Толиб. Ўртоқлар, Турсун акамни уйи, бемалол! (*Ўлтурушар. Ичиндан бир қиморбоз – Эшвой сандуқ устидаги нонни кўруб, «вой Худо берди-ку», дея нонни олиб қўюб, ҳаммалари талашиб ерлар*). Ўртоқлар, Турсун акани ови келубдур, худди беш-олтисини бошлаб келадур. Мани устумга чопонни ёпуб қўюнглар. Ман бу ерда ётай. Сизлар сандуқни орқасинда кўрунмасдан ётинглар. (*Ётар, Турсунлар келишар.*)

Турсун. Эй ўртоғлар, сизларни хабарларингиз йўқ, Худо менга бир жодугар қўшни берғон. Кундузи ҳам қутулмайман, кечаси ҳам. Шунинг учун ман сизларни чоқириб келдим.

Бир кўкнори. Турсун ака, қиморбоз халқи кўб зўр келадир-ку.

Т(урсун). Беш-олти киши бир кишига кучларинг етмайдурми?

Ф(ўлод). Манга минг қиморбозни олиб келийла, якка (ўзим) минг қиморбозни ураман.

Отажон. Фўлод, сенга қачон юрак берди?

Т(урсун). Қани олинглар кўкноридан, ҳали кучларингизни синаймиз. (*Ҳаммаларига қуюб берар. Фўлодга қараб.*) Фўлод, сан буларга кўкнордан қуюб бериб ўлтур. Ман бориб қўлбола қилиб чой дамлаб келай, бу ерда дилкашлик қилиб ўлтурамиз, лаббай?

Ф (ў л о д). Шундога(м), олиб кел чойни, жуда чарчадим.

Т (у р с у н) (ўрнидан туруб). Бисмиллоҳи... (Бирдан Толиб-ни тифасига ийқилуб тушар, ўлтурганлар титрашуб турар.)

Ф ў л о д . Эй Турсун ака, бизларни қандоқа жойга олиб келдингиз?

Т (у р с у н). Фўлод, бу ҳаромзодани ўлугими?..

Ф ў л о д . Ўлуғи қурсун, Турсун ака!

Т (у р с у н). Кел, Фўлод, бу ҳаромзодани ўлугини эшикка олиб чиқуб ташлайлук.

Ф (ў л о д). Тўғри, олиб чиқуб ташлайлик.

Т у р с у н . Фўлод, бўлмаса, сан бошидан кўтар, ман оёғидан.

Ф ў л о д . Кўй, ака, боши қурсун. Ман қўрқаман, сен кўтарақо.

Т (у р с у н). Кел бўлмаса. (Кўкнориларга қараб шиддат ила.) Ҳаммаларинг титраб ўласанми? (Ҳаммалари кўблашуబ кўтаришуб чиқуб кетар. Бир кўкнори, қиморбоз ётуб олур.)

О т а ж о н . Ўв, уйинг қурсун, шунака ажинахонада ўлтурасанми?

Ф (ў л о д). Уф! Ҳаромзоданинг ўлуги салкам бир ботмон экан.

Т (у р с у н). Куй, кайфлардан бирта қолмади, яна бир бошқатдан кайф қилайлик, лаббай?

К ў к н о р и л а р . Шундай, шундай... (Ҳаммасига биртадан қуюб берар.)

Т у р с у н . Ўртоқлар, ҳали қўлбола қилуб чой олуб келаман, деб эдим, у ҳам эсдан чиқибди-ку.

О т а ж о н . Ўртоқ, бизлар кетамиз, вахлироқ олуб кел.

Т у р с у н . Тузук, бўлмаса. (Ўрнидан туруб, бориб қоқулар).

О т а ж о н . Войдод! Бизларга жин урди!

Ф ў л о д . Уйинг қурсун, Турсун ака!

Т у р с у н . Ҳаромзоданинг ўлуги жуда чоғкур экан, биздан аввал етуб келубдур.

Ф ў л о д . Турсун, муни олиб чиқуб ташлайлук.

Т у р с у н . Рост айтасан, тағин фолиска-прустуб келуб қолмасун.

О т а ж о н . Кафани чўзмасаларинг, ҳозир келуб қоладур.

Т (у р с у н). Келийлар! (Кўтаришганда орқасидан ҳушиштак чалар, улар қочарлар.)

Парда тушар.

1915 ийл, 25 февраль.